

## SAMPYKKT

### um afgreiðslutíma verslana í Vestmannaeyjum.

#### 1. gr.

Samþykktin tekur til hvers konar smásöluverslunar í Vestmannaeyjum.

Undanþegnar ákvæðum samþykktarinnar eru þó lyfjabúðir, bifreiðastöðvar og bensínafgreiðslur. Ef ágreiningur rís um skilning á ákvæðum samþykktarinnar, úrskurðar bæjarstjórn, að fenginni umsögn lögreglustjóra, en skjóta má þeim úrskurði til ráðherra.

#### 2. gr.

Afgreiðslutími skal vera frjáls, sbr. þó ákvæði 3. og 4. gr.

#### 3. gr.

Peir sem vilja hafa verslanir sínar opnar á tímabilinu frá kl. 22.00 til kl. 07.00 að morgni skulu sækja um sérstakt leyfi til bæjarráðs.

Síðasta virkan dag fyrir aðfangadag jóla er heimilt að hafa verslanir opnar til kl. 24.00. Til bæjarráðs skal sækja um sérstakt leyfi til að hafa opið þá daga sem um getur í b-lið 4. gr.

#### 4. gr.

Um lokun sölustaða á einstökum helgidögum og hátíðisdögum gilda eftirfarandi reglur:

- a) Föstudaginn langa, páskadag, hvítasunnudag og jóladag skal öllum sölustöðum lokað allan daginn.
- b) Alla sunnudaga, nýársdag, skírdag, annan páskadag, sumardaginn fyrsta, 1. maí, annan hvítasunnudag, uppstigningardag, 17. júní, fyrsta mánudag í ágústi og annan jóladag skal sölustöðum lokað allan daginn sbr. þó ákvæði 3. og 7. gr.
- c) Aðfangadag jóla og gamlársdag skal öllum sölustöðum lokað eigi síðar en kl. 15.00.

#### 5. gr.

Í sérhverri verslun skal auglýstur fastur afgreiðslutími hennar.

#### 6. gr.

Í kvikmyndahúsum, leikhúsum, útiskemmtunum og á slíkum stöðum skal heimilt, að fengnu leyfi heilbrigðisnefndar, að selja sælgæti, tóbak, gosdrykki og annað slíkt, sem ætla má að neytt verði á staðnum. Einnig má selja sýningarskrár, minjagrip og annað sem eðlilegt telst, að þar sé til sölu, utan þess tíma er um getur í 2. gr. Þó aldrei eftir að sýningu lýkur eða skemmtistað er lokað.

#### 7. gr.

Eftir lokunartíma sölustaða er óheimilt að selja þann varning sem verslunarleyfi þarf til sölu á, þó skal heimilt að afgreiða það fólk sem komið er í verslun eða sölustað þegar lokað er.

#### 8. gr.

Lögreglustjóri getur í einstökum tilvikum heimilað rýmri sölutíma en segir í samþykkt þessari þegar hann telur sérstaka ástæðu til, m.a. þegar ágóði af sölu skal renna til almenningsheilla eða góðgerðarstarfsemi.

#### 9. gr.

Fyrir leyfi skv. 3. gr. skal greiða gjald í bæjarsjóð samkvæmt ákvörðun bæjarstjórnar. Ef leyfishafi brýtur samþykkt þessa eða skilyrði, sem bæjarráð og heilbrigðisnefnd setja fyrir leyfi, greiðir ekki gjaldið á gjalddaga eða rekstur sölustaðar þykir ekki fara vel úr hendi, getur bæjarráð svipt leyfishafa leyfinu, enda hafi leyfishafi ekki látið segjast við aðvörun.

## 10. gr.

Brot gegn samþykkt þessari varða sektum. Með mál út af brotum á samþykktinni skal farið að hætti opinberra mála.

Samþykkt þessi, sem bæjarstjórn Vestmannaeyja hefur samþykkt, staðfestist hér með samkvæmt lögum nr. 17 1. febrúar 1936 um samþykktir um lokunartíma sölubúða, til þess að öðlast gildi með þeim takmörkunum sem lög nr. 45/1926 um almannafrið á helgidögum þjóðkirkjunnar setja. Með samþykkt þessari fellur úr gildi samþykkt um afgreiðslutíma verslana í Vestmannaeyjum o.fl. nr. 480, 12. ágúst 1982.

*Félagsmálaráðuneytið, 3. janúar 1989.*

**Jóhanna Sigurðardóttir.**

*Pórhildur Líndal.*

**S A M Þ Y K K T**

**um breytingu á samþykkt um afgreiðslutíma verslana í Húsavík  
nr. 438/1985.**

## 1. gr.

2. gr. samþykktarinnar orðist svo:

Daglegur afgreiðslutími smásöluverslana og annarra sölustaða, er samþykkt þessi tekur til, má vera sem hér segir, nema öðruvísi sé sérstaklega ákveðið í samþykktinni.:

Virka daga er heimilt að opna sölustaði kl. 08.00 og þeim skal lokað eigi síðar en kl. 22.00.

Á laugardögum er heimilt að halda sölustöðum opnum til kl. 18.00.

Síðasta laugardag fyrir jól má halda verslunum opnum til kl. 22.00.

Síðasta virkan dag fyrir aðfangadag jóla er heimilt að hafa verslanir opnar til kl. 24.00.

Bæjarstjórn getur að fengnum tillögum lögreglustjóra heimilað, að sölustaður verði opnaður fyrr en segir í grein þessari.

## 2. gr.

3. gr. samþykktarinnar orðist svo:

Bæjarstjórn getur leyft, að fenginni umsögn heilbrigðisnefndar að matvöruverslanir, söluturnar og sambærilegir sölustaðir séu opnir alla daga frá kl. 08.00 til kl. 23.30, sbr. þó a-lið 5. greinar.

Samþykkt þessi, sem bæjarstjórn Húsavíkur hefur gert með heimild í 1. gr. laga nr. 17 1. febrúar 1936 um samþykktir um lokunartíma sölubúða, staðfestist hér með samkvæmt 3. gr. sömu laga til að öðlast gildi þegar í stað, þó með þeim takmörkunum sem lög nr. 45 frá 15. júní 1926 um almannafrið á helgidögum þjóðkirkjunnar setja.

*Félagsmálaráðuneytið, 3. janúar 1989.*

F. h. r.

**Berglind Ásgeirsdóttir.**

*Pórhildur Líndal.*